

上清靈寶大法卷之十三

樓五

洞微高士開光救苦真人竇金其授

上清三洞弟子靈寶領教嗣師王契真纂

制魔伏神門

師曰夫靈寶大法乃天地之根宗元始之

妙炁鳳篆龍章結為真文靈音梵唱而為

呪元始上帝現無相之理傳要機於道君

濟救群迷敷揚至道非世上常辭皆諸天

之隱諱上士行之可以飛躡玉京中士行

之可以遷居仙室下士行之可以住世延

年蓋下世愚俗福淺之徒豈能窺與且宗

祖傳文皆神仙修煉大丹之士積功累行

之者遇其要妙遭際真師印訣符圖無不

具述皆夢境得其筌蹄或神人傳其要旨

即使心閑神悟智慧日新觀其妙音通幽

達理呼神名將皆駐目前三界敬從諸天

欽仰所謂道而化生德而度死者矣後之

學者多不遇其師或傳之於片紙文字或

得之於詠誦經訣思存求值要文便言畢

竟於誇已是執着迷津蓋緣行淺德微福

涼緣薄或得之文辭華麗或傳之於符篆

篇圖呪訣不全符形靡辨行持差候呼想

不真以致將吏天真不能輔佐皆去真就

偽衆魔有試其惑道者多矣殊不知靈寶

秘文法法有倫序符有訣竅呪有秘章有

制魔伏邪之秘文有出死入生之心印佩

符肘印謁簡券符諸帖環圖降魔誓戒得

之者超登上道飛謁玄元度亡寃於時刻

之中濟枯骨於吹噓之內城隍社令悉歸

掌握之中風雨雷霆盡屬指揮之部行道

之士先明於制禦之法其魔有十故具如

篇學者深而造之勿為魔之所試斯道方

能成也得者秘之

辨制十魔

一曰天魔

二曰地魔

三曰人魔

四曰鬼魔

五曰神魔

六曰陽魔

七曰陰魔

八曰病魔

九曰妖魔

十曰境魔

天魔者山林修煉之士一念纖塵而被魔

敗不能成真何者正煉大丹行持入靖或

目見顯現形影幢蓋幡花異香祥雲耳聞

仙樂此乃天魔之所試也當焚香佩三皇

內文及五帝消魔玉符置於案前左手指

中指中右手執五帝大魔印變神為元始

以印照之其魔自退

地魔者凡行持之士變神步罡書符呪水

起念不正皆地魔之所試何者正欲心存

而心生擬議步罡掐訣書符誦呪或亂其

心或照形而不辨其姓名或附身而不過

其言語抵抗道法毀辱靈文皆非邪鬼之

所依即是地魔之所試當以神霄玉清真

玉五方衛靈呪併焚之

人魔者行持之士皆有之或居山入室書

符誦呪掐訣行持方欲行用一念有異或

被言語穢喧雜犬婦女師僧尼俗衝突以

致惑亂法身思存不正符水不應此皆人

魔之所試當以混合百神印安於壇中悉

書末縛魔靈四字以印印之焚於香中左

右子亥文持念魔王三品之音其魔自退

矣

鬼魔者行持之士出入郊野之中建壇於  
伏尸之地一念稍誤即夜多夢寐屋宇虛  
烏禽畜現形蟲蛇顯怪惑亂正法恣壞靈  
壇皆鬼魔之所試也當以淨明法主印安  
壇上以元始安鎮四字以印印之貼於壇

所次誦淨明靈書二篇其魔自退

神魔者行持之士因驅邪破廟一念恣狂  
多為神魔之所試或現形拋石噴泣多端  
盜法壇供具竊丹藥秘文感惱法身無有  
休息皆神魔所試也當以嚴攝北鄴二印  
佩於肘上召玄範衆真以攝之仍書神公  
受命普掃不祥八字貼於壇之四面次以  
三十二天隱諱章焚壇前而遣之其魔自  
退

陽魔者行持之士正欲內行以濟生死則  
一念不真情慾四起愛着存懷是非錯亂  
此陽魔之所試也當正心默念降魔咒  
天尊九聲叩齒三通書八景實合炁入玄  
玄八字焚服佩五方制魔玉文誦五方制  
魔呪行旋斗歷箕罡訣其魔自退在淨明

法中

陰魔者居山之士修習秘文存思之際一  
念或差即聞四野悲歌冷風亂作心生倒  
見及出道路逢僧尼厭穢亂我神光皆陰  
魔之所試也當叩齒三通指午文存玄元

炁灌注身中服五老啓陰群仙翼轅八字

以五帝大魔印印之及佩童初五府玉册  
誦靈書下篇及焚龍章鳳炁之文其魔自  
退

病魔者行持之士一念乖殊四大失理飲  
食差殊寒暑失調多生疾患損害行持此  
病魔之所試也當以消魔五符置於室中

用五帝大魔印誦淨明靈書二篇服八景  
實合炁入玄玄八字并淨明延生一符佩  
元洞玉曆章叩齒集神首罪焚香宣雲籤

寶笈科品各集陰陽二神以和合其魔自  
退

妖魔者山林多有之凡入靖修煉一念不  
真多招狐狸山精石怪妖魅恐人成道化  
作妖豔以求宿食或歌詠麗詩詞以現形

行大法之士多忘之持志金石誦魔王三  
章輪指十方飛天神王訣以天寶君印照  
之焚五帝大魔符於室前次焚香陞座宣  
靈寶三洞法語其魔自退永不至矣其或  
更施斛與之尤妙

境魔者行持之際或於道路別室之中見  
一切物而一念起貪癡之心耳聽惡聲自  
視非色或入室如此者皆境魔之所試也  
當正念存神使其舍太虛之真內外澄徹  
無所滌着存空中有一寶珠光明煥耀十  
方來朝仍吞服諸天秘諱誦淨明寶經一  
過佩上清九老伏魔印其魔自退

金闕玄元道君滅九十六種外道一  
百八十天魔智慧神呪

天地雜炁生諸妖邪常以正道除去彘侵

第一思惟我無主簿諸法皆空不可轉相

一實境界飛魔鬼神知所住處實知方便

假空有故法性理性湛然常住無有來去

一知實故二知魔故三除相故四分別空

元亨利貞邪不干正臨兵闔者皆列陣前

急急如律令

右法先叩齒一十二通審誦不拘過數其  
魔應時皆發善念並來座下稽首若欲除  
滅則廣持過數其餘皆隨隨咒消滅矣

神霄真王消魔衛靈咒

東方

蕭何扶桑方諸鬱羅元皇列真凝結雲芽  
明耀九芒合炁三華鏗天振劔神虎辟邪  
安陽太帝攝集群魔上升神霄灌形天河

南方

炎炁浮煙運升赤明長生元聖高居玉京  
降妙圓羅散品六冥元天大誥普濟群生  
消珍魔試奔飛火鈴保衛正炁億劫長存

西方

皓景金華長庚洞光大梵流布轉輪元網  
蔚明交變騰化十方七關安鎮四合陰陽  
席帟落滂我事嘉祥玉文敷告至道延昌

北方

太陰朔單上連帝君流醜騰晶化形玉虛  
輔衛三境簡閱元圖真符煥發定藉清都

標名金錄宿蒙成除形神碧落超登太无

中央

元始虛皇祖上居中三炁洞元肇生太空  
七轉八變混合回風散化萬神天地開通  
吉日行事億天所宗願保劫年享福無窮

天皇君召轉君司馬制魔符


諸天通唱 中中 群魔來形  
萬帝設禮 中中 鬼精滅矣

中 應 迎散起死 中中 轉君丈人  
白骨成人 中中 執符把籙

上 助 召制 伏仰 萬災  
十方 加百 地祇 坤 不干

神明 子亥 幽寇苦庚 四指上中下三  
護門 甘得受生

節 天皇君召命諸天 中中  
齊到咸運玉教



右符混元炁用青帛書用黃色於甲子日  
子時篆用赤書玉字印印之佩於此身若  
煉度陰尸佩於心背之上點告轉君下臨  
監度矣

天皇君召十方神王制魔符


始音 中中 洞煥 午 魔王內  
浮黎 中中 太空 律百靈

隱子 司命司錄司功 卯文 飛天  
司殺回散起死 神王

制魔 鬼神澄正 丑亥 飛入  
合靈 萬炁長存 亥亥 冥地

十二字 泉真監度 收入中指中入掌  
全其本平

心吹彈



右符紅帛白書庚申日寅時書用八威龍

文印印之佩兆身召十方神王隨其方抽  
訣召之


地皇君召三界大魔制魔符

鬼 五帝大魔 子鬼 自號赫夾 千鬼  
萬神之宗 諸天家功

全真 明都 萬仙 中 皇道元敵 寅  
降伏東魔

大道之宗 中 皇道之極 我  
從有入无 從无入有

上王臣 御東魔



右符綠帛素書六丁日午時篆用印印之  
佩身上凡飛神謁帝只誦三界大魔無拘  
天門

地皇君召三界星宿璇璣制魔符


混洞赤文 五老

元无上真 啓達

大行梵炁 戌 三官 亥 十二  
月四十方 九界 河源 子文

三官北野 金馬辟程 寅  
明檢鬼營 萬神成祿 寅

混舍四風 卯 吉日行事 辰巳哭聲  
天地開通 社土居中




右符黃帛朱書六丙日辰時篆印之佩身  
上如樓穴度厄召諸星宿皆可用

人皇君束縛魔靈符

赤靈專神 千和萬命 坎  
純御升天 自然成真

太一司命 乾 上開八門 坤文  
批原合延 混舍百神

東運双魔精新散六尾筆 中指中  
諸天悉蕩蕩我道日興隆



右符素帛黑書六辛日酉時篆印之佩身


上可以威制群魔

人皇君却死更生符

太清九真 卯 九陰赤字 坎  
疑暉神鄉 救映生明

精世見輝 辰 飛英玉化 巳文  
混池黃元 虎嘯龍吟

萬帝玄真威制天文 百華文  
却死延年受化更生



右符青帛朱書壬癸日子時篆印之佩身

中延年益算

已上符文並出天皇下篇如欲知未然吉

凶嘗以丹書方三寸清水吞之靜卧則預知矣服時間日用五方消魔王咒

東方青帝消魔王咒

洞耀育元晶

青華開太明

布育九天炁

始生存元英

扶陽通攝御

丹林合總具

積霄始暉上

鬱壘明霞晨

靈光煥羅絡

衛育保形羗

混化合玄景

仁慧消魔群

萬遍道已超

功當書上清

南方赤帝消魔王咒

三炁靄靈開

明虛煥玉丹

朱陵有帝真

華雲飛絳緋

統御萬界中

撫運超億千

執策按簡錄

洞章救神篇

解結散禍根

流金摧凶奸

志能成此道

魔試俱不前

保度真劫津

冥躬无窮年

西方白帝消魔王咒

西靈徇七度

太眇鬱明華

白元維我神

皇真御景霞

皎皎三素暉

昭昭破百邪

攝音延至炁

金晶育三田

煉胎固玉質

寶耀映瓊軒

魔精當滅試

速地无沈連

逸鬱高清館

齋輪太上仙

北方黑帝消魔王咒

北玄三秀靄

太上紫皇居

總炁攝幽機

造化敷靈網

下總虛危精

寶育天元房

靈通太妙神

纏羅衛百關

豁落滅魔試

凶灾永不干

大道保自然

壽命无虧殘

萬劫享慶會

白日登雲輶

中央黃帝消魔王咒

混化俱冲妙

元皇總帝靈

真老閉黃闕

回御齊玄鈞

圓華太張上

同携堅玉君

結津固有散

瓊耀擁胎仙

晨暉注明景

魔殃自滅形

萬道係無窮

返老回童嬰

五會合一炁

飛馭超雲京

威制伏御

威未制天政德可伏御地祇

右中指中念靈書三通書之

普掃不祥

神公受命普掃不祥

右中指中念三十二天隱諱書之

冥合

八景冥合炁入玄玄

右中指中誦魔王三章書之

啓塗群仙

五老啓塗群仙翊轅

右子至亥戌酉申念三官北鄰至金馬驛

程書之

上清靈寶大法卷之十三